

文苑英華卷第三百十六

詩一百六十六

居處六

亭六十九首

逍遙溪亭

王建



逍遙公在此徘徊帝改溪名起石臺車馬到春常借看子  
孫因選暫歸來稀踈野竹人移折零落蕉花雨打開無主  
青山何所直賣供官稅不如灰

江亭寓目

盧拱

江郭帶林巒津亭倚檻看水風蒲葉戰沙雨鷺鷥寒晚木  
初凋柳秋叢欲敗蘭哀猿自相呌鄉淚好無端

題楊侍郎新亭

劉商

毗陵過柱史簡易在茅茨芳草和花種脩篁帶笋移逕幽  
人未賞簷靜鷺初窺野客憐霜壁青松畫一枝

題賈巡官林亭

楊巨源

白鳥閑栖亭樹枝綠罇仍對菊花籬許詢本愛交禪侶陳  
寔由來是好兒明月出雲秋館思遠泉經雨夜窓知門前  
長者無虛轍一片寒光動水池

盧十五竹亭送姪

文粹作歸山

楊衡

落葉寒擁壁清霜夜沾石正是憶山時復送歸山客殷勤  
一罇酒曉月當牕白

步出武陵東亭臨江偶望

劉禹錫

鷹至威風候霜餘變林麓孤帆帶日來寒江轉沙曲戍遙  
旗影動津晚艣聲促月上彩雲以收漁歌遠相續

劉駙馬水亭避暑

前人

千竿竹翠數蓮紅水閣虛涼玉簟空琥珀盞烘疑漏酒水  
精簾瑩更通風賜冰蒲椀沉朱實法饌盈盤覆碧籠盡日  
逍遙却集作避煩暑并三珍重主人翁

道州夏日郡內北橋新亭書懷贈何元二處士

呂溫

結構池梁上登臨日幾迴晴空交密葉陰岸積蒼苔爽氣  
中央蒲清風四面來振衣生羽翰高枕出塵埃齊物漁何  
樂忘機鳥不猜閑銷炎晝靜集作盡選集作靜勝火雲開僻遠  
宜孱性優游賴廢材願為長泛梗莫作重燃灰守道窮非

過先時動是災寄言徐孺子賓榻且徘徊

和李使君三郎早秋城北亭宴崔司士因寄關中

張評事

三字一作兄弟

前人

黃花古城路上盡見青山桑柘晴川口牛羊落照閒野情

隨卷幔塵事隔重關道合偏重賞官微獨不閑鶴分琴久

罷書到鴈應還為謝登臨客瓊林一作寄一攀

此詩二百十五卷重出前已削去

雲溪西亭晚望

張籍

雲水碧悠悠西亭柳岸頭夕陰生遠岫斜照逐廻流此地

動歸思逢人方倦造吳興耆舊盡空見白蘋州

題韋郎中新亭

前人

起得幽亭景復新碧沙地上更無塵琴書著盡猶嫌少松

竹栽多不集作亦稱貧藥酒欲開期好客朝衣暫脫見閑身

成名同日官連署此處經過有幾人

東亭閑坐

白居易

東亭盡日坐誰伴寂寥身綠樹集作桂為佳客紅蕉當美人

笑言雖不接情狀似相親若不集作不作悠悠想如何度晚春

松江亭携樂觀魚宴宿

前人

震澤平蕪岸松一作吳江落葉波在官常夢想為客始經過

水面排層網船頭簇綺羅朝盤鱸紅鯉夜燭舞青蛾鴈斷

知風急湖平得集作見月多繁絃集作絲與促管不解和漁歌

題周皓一作浩大夫新亭

前人

東道常為主南亭列大集作別待賓規摹何日創境景集作致一

時新廣砌羅紅藥高集作窓蔭綠筠鎖開賓閣晚集作梯

上妓樓春置醴寧三爵加蓮過八珍茶香飄紫筵膾縷落

紅鱗輝赫車輿閑珍奇鳥獸馴獼猴握馬看鸚鵡喚家人

錦額簾高捲銀花盞謾巡勸嘗光祿酒周簾光許看洛川

神周有家妓歛翠凝歌黛流香動舞巾裙翻繡鴻鵠梳陷

鈿麒麟笛怨音含楚箏嬌語帶秦侍兒催畫燭醉客吐文

茵投轄多連曙集作鳴珂更達晨入朝紆紫綬待漏擁朱

輪貴介交三事光榮照四隣其濃將奉客穩暖不緣身十

載歌鍾地三朝節鉞臣愛才心倜儻敦舊禮殷勤門以招

賢盛家因好事貧始知豪傑意富貴為交親

奉和李大夫題忘筌新亭 前人

翠巘公門對朱軒野逕連只開新戶牖不改舊風煙虛室

閑生白高情淡入玄酒客容同坐勸詩借屬城傳自笑滄江

畔遙思絳帳前亭臺隨處一作有爭敢比忘筌

題嚴氏竹亭 戎昱

子陵栖遁處堪繫野人心溪水浸山影嵐煙向竹陰忘機

看白日留客醉瑤琴愛此多詩興歸來步步吟

題湖亭 前人

好是春風湖上亭柳條藤蔓繫離情黃鸝久住渾相識欲

別頻啼三一作五聲

流盃亭 李德祐

激水自山椒折波分淺瀨迴還疑古篆詰曲如縈帶寧想  
羽觴逢唯貪一作歡親友會欲知中聖處皎月臨松蓋

早秋龍興寺江亭閑眺憶龍門山居寄崔張舊從事  
前人事

江亭感秋至蘭逕悲露泫秔稻秀晚川杉松蔚集作蔚晴巘

嗟余有林壑茲夕念繁集作原衍綠竹集作條連嶺多青莎近

溪洑淵明菊猶在仲蔚蒿莫剪喬木槩陵霄集作蒼陰崖積

幽蘚遙思伊川水北渡龍門峴蒼翠雙闕間逶迤清溪一作

灘轉故人在鄉國歲晏路悠緬惆悵此生涯無由共登踐

登江亭晚眺 賈島

浩渺浸雲根煙嵐沒遠村鳥歸沙有跡帆過浪無痕望水

知素性看山欲捲魂縱其猶未已迴馬欲黃昏

宿杜司空東亭 前人

牀頭枕是溪中石井底泉通竹下池宿客未眠當半夜獨

聞山雨到來時

登田中丞高亭 前人

亭高林表廻嵯峨獨坐秋宵不寐多玉集作白兔玉人歌裏

出白雲雖白集作以不相遇集作和

寄和蔡州中丞一作寄蔡州田郎中題蔣亭 釋無可

遺跡仍一作遺路惟留蔡幽人出漢一作漢朝門深荒徑在亭廻

數峰遙岸石欹相倚一作對窓松偃未凋尋思方一去豈待

使君招

題崔駙馬林亭

前人

宮花野藥半相和，藤蔓參差惜不科。  
纖草連門留徑細，高樓出樹見山多。  
洞中避暑青苔滿，池上吟詩白鳥過。  
更買太湖千片石，疊成雲頂綠嵒峨。

宣義亭子

劉得仁

暮色遶高亭，南山出竹青。  
夜深斜舫月，風定一池星。  
島嶼無人跡，菰蒲有鶴翎。  
此中休便可，何必泛滄溟。

冬日落駱家亭子

前人

亭臺臘月時，松竹見貞姿。  
林積煙藏日，風吹水合池。  
恨無人此住，靜有鶴相窺。  
是景與秋景，吟詩亦各宜。

題何氏池亭

周賀

信是虛閑地，亭高亦有苔。  
遶池逢石坐，穿竹到山迴。  
果落纖萍散，龜行細草開。  
主人偏好事，終不厭頻來。

題袁處士高亭

杜牧

水接西江<sub>集作江西</sub>，天外聲小齊。  
松影拂雲平，何人教我吹長笛。  
與倚秋風<sub>集作春</sub>，弄月明。

題池州貴池亭

前人

勢比陵歆宋，武臺分明百里遠。  
帆開蜀江雪，浪西江起<sub>集作</sub>。  
蒲強半春風<sub>集作寒</sub>，去却來。

與張處士同題

<sub>集作訪</sub>

李隱居林亭

<sub>集作不遇</sub>

許渾

千巖萬壑獨携琴，知在陵<sub>集作龍</sub>。  
陽不可尋去，轍已平秋草。  
遍<sub>集作色變</sub>空齋長掩暮，雲深霜肥橡栗留。  
<sub>集作嚴枳橋</sub>山鼠月冷

菰蒲散一作泛水禽唯有西隣一作林張仲蔚坐來同愴別離

心

此詩三百十七卷重出今已削去注異同為一作

題陸侍御林亭

前人

野水通池石疊臺五營無事隱雄材松齊下馬書千卷蘭  
舫逢人酒一盃寒樹雪晴紅艷吐遠山雲曉翠光來定知  
別後無多日海柳江花次第開

同孫盧二仙侶遊樊明府林亭

集作湘南徐明府  
余之南隣久不還

家因題  
林館

前人

湘南官罷集作蒲不歸來高閣經年掩綠苔魚溢池塘秋雨

過鳥還集作環還洲島暮潮迴集作雲回堦前石穩碁中局窓外山

寒集作高酒蒲杯借問先生獨何處集作在籬踈菊又

花開

秋晴獨立南亭

楊發

晝對南風獨閉關暗期幽鳥去仍還如今有待終身貴未

若忘機盡日開心似蒙莊遊物一作象外官慙許掾在人間

開襟自向清風笑無限秋光為解顏

宿晉昌亭聞驚禽

李商隱

羈緒繚繚夜景侵高窓不掩見驚禽行集作飛來曲渚煙方

合過盡南塘樹更深胡馬嘶和榆塞笛楚猿吟雜橘村砧

失群掛木知何限遠隔天涯共此心

奉和秘監從翁夏日陝州河亭晚望

姚鵠

洪河何處望一境在孤煙極野如藍日長波似鏡年卷廉  
花影裏倚檻鶴巢邊燉燉侵旌旆灘聲雜管絃鍾微來疊  
岫帆遠落遙天過客多相訪一作指應疑會水仙

和徐薰先輩秋日遊涇州南亭呈二三年前人  
多少歡情泛鷁舟桂枝同折塞同遊聲喧海上巢松鶴影  
落盃中過水鷗送日暮鍾交戍嶺叫雲寒角動城樓酒酣  
笑話秋風裏誰道槐花更起愁

偶題林亭

集作題友人池亭

溫庭筠

月榭風亭繞曲池粉墻集作垣迴互瓦參差侵簷片白搖翻  
影落鏡愁紅寫倒枝鷓鴣刷毛花蕩漾鷺鷥拳足雪離披  
山翁醉後如相憶羽扇清罇我自知

題懷貞亭舊遊

集作崔公池亭

前人

皎鏡方

集作芳

塘齒齒秋此來重見採蓮舟誰能不遂

集作逐

當年樂還恐添爲

集作成

異日愁紅艷花

集作景

多風嫋嫋碧

空雲斷水悠悠簷前依舊青山色盡日無人獨上樓

陪和中節度使遊河亭

前人

倚欄愁立獨徘徊欲賦慙非宋玉才蒲座山光搖劔戟遶  
城波色動樓臺鳥飛天外斜陽盡人過橋心倒影來添得  
五湖多少恨柳花飄蕩似寒梅

題樟亭

張佑見集本

曉霽憑虛檻雲山四望通地盤江岸絕天映海門空樹色  
連秋靄潮聲入夜風年年此光景催盡白頭翁



題昭應王明府溪亭

趙嘏

靖節何須彭澤逢菊洲松島水悠溶行人自折門前柳高  
鳥不離溪畔峰曉渭度簷帆的的晚原含雨樹重重軒車  
過盡無公事枕上一聲長樂鍾

南亭

前人

孤亭影出亂花中悵望無人此醉同聽盡暮鍾猶獨坐水  
邊襟袖起春風

許州德星亭

薛能

漢水南流東有堤堤邊亭是武陵溪槎松配石堪僧坐藥  
杏含香欲鳥啼高處月生蒼海外遠郊山在夕陽西頰來  
不是軍從事只戴紗巾只杖藜

題河中亭子

前人

河擘雙流島在中島中亭上正南空蒲根舊浸臨關道沙  
色遙飛傍苑風晴見樹早知岳大晚聞車亂覺橋通無窮  
勝事應須宿霜白蕪葭月在東

此詩三百十五卷重出前已削去

旅次洋州寓居郝氏林亭

方干

舉目縱然非我有思量似在故山時鶴盤遠勢投孤嶼蟬  
曳殘聲過別枝涼月照牕集作床欹枕倦澄泉遶石泛觴遲  
青雲未得平行去夢到江頭身在茲集在江南身極羈

書吳道士隱林亭

前人

蘇榭沙亭蘿篠陰依稀氣象似山林橘枝亞樹香集作苞路黃

迷集作

重井脉牽湖碧甃深稚子遮門留熟客驚蟬入葉避遊禽  
四隣不見孤高事集作處翻笑騰騰只醉吟

題陸州呂郎中郡內集作中環溪亭 前人

為是仙才登望處風光便是武陵春閑花半落猶邀蝶白  
鳥雙飛不避人樹影興餘侵枕簟荷香坐久着衣巾暫來  
此地非多日明主那容借寇恂

題越州南郭袁秀才林亭 前人

清邃林亭指畫開幽巖別派像天台坐牽蕉葉題詩語一作

句醉觸松集作藤花落酒盃白鳥不歸山裏去紅鱗多自鏡

中來終年此地為吟伴集作侶早起尋君薄暮廻

湘陰江亭寄友人 李群玉

湘岸初晴淑景遲風光正是客愁時幽花暮集作夜落騷人

水芳草春深帝子祠往事隔年如過夢舊遊廻首謾勞集作

追思煙波自此扁舟去酌酒聯文杳未期

秋宿潤州劉處士江亭 李洞

北夢風吹斷江邊處士亭吟生萬井月看盡集作見一天星

浪靜魚衝石集作鎖唳高鶴聽經東南渺集作香無畔世界半

滄溟

苑中題友人林亭 李頻

林色藏巖洞幽栖趣若何春篁兼笋密夏鳥雜雛多坐有

清風起林無暑氣過亂書還就葉真欲不聽歌片景明紅

蘚斜陰映綠蘿雄文終不惜莫便棄高科

題耿處士林亭

喻坦之

身向閑中老生涯本路然草堂山木下魚艇鳥花邊窺井  
猿兼鹿啼林鳥雜蟬何時人事了依此亦高眠

題賈氏林泉

聶夷中

市朝東名利林泉繫清通豈知黃塵內迴有白雲蹤輕流  
逗密篠直榦入寬空高吟五君詠疑對九華峰我知種竹  
心欲翫清涼風我知決泉意將明濟物功有琴不張絃衆  
星列梧桐須知淡泊聽聲在無聲中地非樵者路武陵又  
何逢祗慮迷所歸池上日西東

水軒

鄭谷

日日狎沙禽偷安且放吟讀書老不入愛酒病還深亂

集作後爲羈

飢

客兵餘問故林揚花蒲床席搔首度春陰

望湖亭

前人

湘水似伊水湘人非故人登臨何獨語風柳自搖春

七松亭

張喬

七松亭上望秦川高鳥閑雲蒲目前已比子真耕一作谷  
口豈同陶令卧江邊臨崖把卷驚迴燒掃石留僧聽遠泉  
明月影中宮漏近珮聲應宿使朝天

題圭峰下長孫家林亭

韓宗

趙國林亭二百年綠苔如毯葛如煙閑期竹色搖霜看醉  
惜松聲枕月眠出樹圭峰寒壓坐入籬沙瀨碧流天明知  
富貴非身物莫爲金章墮此仙

和容南甯中丞題瑞亭白鷺白鼠六眸龜嘉蓮

陳陶

伏波恩信動南夷交趾喧傳四瑞詩鷺鼠孕靈褒上德龜  
蓮增耀荅無私迴翔雪侶窺簷處照映紅巢出水時盡寫

流傳

集作風流

在軒檻嘉祥從此百年

一作知城

夏晚望高亭有懷

羅鄴

正憐雲水與心違湖上亭高對翠微盡日不妨憑檻望終  
年未必有家歸青蟬漸傍幽叢噪白鳥時穿返照飛此地  
又愁無計住一竿何處是因依

題蔣山

前人

西風才起一蟬鳴便管關河馬上程碧浪鷓舟從此別冊

霄鷓箭忽無成二年芳思隨雲雨幾日離歌望一作怨旆旌  
迴首橫塘更東望露荷煙菊倍傷情

題水簾亭

前人

亂泉飛下翠屏中名共真珠巧綴同一片長垂今與古半  
山遙聽雨蕪風雖無舒卷隨人意自有潺湲濟物功每向  
暑天來往見疑將仙子隔方櫳

偶題離亭

前人

萬般名利不關身况待山平海變塵五月波濤爭下峽浦  
堂金玉爲何人謾誇浮世青雲貴未盡離杯白髮新誰似  
雨蓬蓬底客渚花汀鳥自相親

江亭別裴饒

羅隱

行盃且待怨歌終多病憐君事事同衰鬢別來光景裏故鄉歸去亂離中乾坤墊裂三分在井邑摧殘一半空日晚長亭問西使不堪車馬駕上萍蓬

關亭春望

前人

關畔風雲拂馬頭馬前春事共悠悠風欺岸柳長條困露浥山花小朶愁信越功名高似狗裴王氣力大於牛未知至竟將何用渭水涇泥一作川一向流

于越亭

前人

楚水蕭蕭多病身強凭危檻過殘春高城自有陵蕪谷流水那知越與秦岸下藤蘿陰作恠橋邊蛟蜃夜欺人琵琶洲遠江村濶廻首征途一作帆淚滿巾

李郎中林亭

曹松

祗向砌邊流野水樽前上下看魚兒笋蹊已長過人竹藤徑從添拂面絲若許白猿垂近戶即無紅葉壓低枝大才必擬逍遙去更遣何人佐盛時

漢南郵亭

裴說

高閣水風清開門日送迎帆張獨鳥起樂奏大魚驚驟雨拖山過微風拂面生閑吟雖得句留此謝多情

蒲津何亭

唐彥謙

宿雨清秋霽景澄廣亭高樹更晨興煙橫博望乘槎水日上文王避雨陵孤棹夷悠期獨往曲欄愁絕悔長凭思鄉懷古人傷別此際哀吟幾不勝

東亭茶宴

女郎鮑君微

閑朝向曉出簾櫳  
茗宴東亭四望通  
遠眺城池山色裏  
俯聆絃管水聲中  
幽篁引沼新抽翠  
芳槿低簷欲吐紅  
坐久此中無限興  
更憐團扇起清風

宿杜司空

又玄集作戶

東亭當半夜

當又玄集作過

宿宣義亭子

又玄集作宿宣義里池亭

高亭

集作便

便可集作便得

南亭影出

絕句詩選作影在

東亭茶宴向曉

又玄集作向晚

東亭

集作高亭

引沼

集作映沼

校三十七八字

六月朔

文苑英華卷第三百十六

文苑英華卷第三百十七

詩一百六十七

居處七

園齋八十五首

遊後園

梁元帝

暮春多淑氣  
斜景落高春  
日照池光淺  
雲歸山望濃  
入林迷曲徑  
渡渚隔危峯

晚景有遊後園

同前

高軒聊騁望  
煥景入川梁  
波搖類聚作橫山度影  
雨罷葉生光  
日移花色異  
風散水紋長

山齋

庾信

寂寥尋靜室  
蒙密就山齋  
滴瀝泉遶一作澆路  
穹窿石卧塔

淺槎全不動盤根唯半埋殘珠墜曉菊細火落空槐直置  
風雲慘彌憐心事乖

同前

徐稜

桃源驚往客鶴嶠斷來賓復有風雲處蕭條無俗人寒山  
微有雪石路本無塵竹徑朦朧巧茅齋結構新燒香披道  
記懸鏡壓山神砌水何年溜簷桐幾度春雲霞一已絕寧  
辯漢將秦

敬酬楊僕射山齋獨坐

薛道衡

相望山河近相思朝夕勞龍門竹箭急華岳蓮花高嶽高  
嶂重疊鳥道風煙接遙原樹若薺遠水舟如葉葉舟旦旦  
浮驚波夜夜流露寒洲渚白月冷函關秋秋夜清風發彈  
琴即鑑月雖非莊鳥歌吟詠常思越

重酬楊僕射山齋

前人

寂寂無與晤朝端去惣戎空庭聊步月閑坐獨臨風臨風  
時太息步月山泉側朝朝散綵霞暮暮澄秋色秋色遍臯  
蘭霞綵落雲端吹旌朔氣冷照劔日光寒光寒塞草平氣  
冷咽茄聲將軍獻凱入藹藹風雲生

郊園即事

王勃

煙霞春日賞松竹故年心斷山疑畫障懸溜瀉鳴琴草遍  
南亭合花濃北院深閑居饒酒賦隨興欲抽簪

冬日過故

一作

人任處士書齋 駱賓王

神交尚投漆虛室罷遊蘭網結集作窓文亂苔深履跡殘

五明書帳冷冰靜墨池寒獨此琴臺夜集作上流水為誰彈

此詩三百七卷重出前已削去

南山家園林木交映盛夏五月幽然清涼獨坐思

遠率成十韻

陳子昂

寂寥守窮巷幽獨坐集作空林竹松生虛白堦庭橫集作

古今鬱蒸炎夏晚涼宇悶清陰軒窗交紫靄簾一作戶對

蒼岑鳳蘊仙人錄鸞歌素女琴忘機委人代閉牖察天心

蛺蝶憐紅藥蜻蜒愛碧潯坐觀萬象化方見百年侵擾擾

將何息青青長苦吟願隨白雲駕龍鶴相招尋

田假限疾不獲還莊載想田園兼思親友率成短

韻用寫長懷贈林一作幽素兄見二百四十九卷李嶠

邵宅中齋

宋之問

郡宅枕層嶺春湖遶芳甸雲薨出萬家卧覽背已遍漁商

汗成雨辭邑明若練越俗鏡中行夏詞雲表見茲邵信盤

鬱英遠常棲眄王子事黃老獨樂恣遊行謝公念蒼生同

憂感推薦靈越多秀士運澗無由回神理翳青山風流蒲

黃卷揆余謬成疑獎自昔從纓弁瑤水執仙羈金閨負時

選晨趨博望苑夜直明光殿一朝罷臺閣萬里違鄉縣風

土足慰心况悅年芳變淮廩佇茲實沂歌非所羨訟寢歸

四明齡頽親九轉微上本江海少留豈交戰唯餘後凋色

竊比東南箭

同李員外春園

崔湜



落日啼連夜孤燈坐微明捲簾雙鷺入披幌百花驚隴水  
寒應晚閨中織未成管絃愁不意一作記粧梳懶無情去歲  
聞西伐今年送北征容顏離別盡流恨蒲長城

崔禮部園亭得深字

張說

窈窕留清館虛徐步晚陰水連伊闕近雲一作集接夏關一作集

深柳蔓憐垂拂藤苗愛上尋訝君軒蓋偶一作俗非復俗

人心

小園納涼即事

蘇頌

煩暑避蒸鬱歸閉習高明長風自遠來層閣有餘清散灑

納涼氣蕭條遺世情奈何誇大隱終日繫塵纓

先是新昌小園待獻歲羣物期京兆尹一訪兼郎

官數子自頃沉痾年復寒食茲願不果率然感革

獨好中林隱先期上月春閑花傍戶落喧鳥前人逼簷馴寂寞

東陂叟傳呼北里人在山琴易調開甕酒歸醇佇望應三

接彌留忽幾旬不疑丹火變空恠綠條新聞蟻聞常日歌

龍值此辰其如衆君子嘉會阻清塵

晨坐齋中偶而成詠

張九齡

寒露結秋空遙山紛在矚孤頂乍脩聳微雲復相續人茲

賞地偏烏亦愛林旭結念憑幽遠撫躬曷羈束昂一作集霄

謝逸幹一作翰臨路嗟疲足徂歲方睽携歸心亟躑躅休閑

儻有素豈負南山曲

郡內閑齋

前人

賓集作閣晝常掩庭蕪日復滋簾集作風落烏毳窓葉掛

蟲絲拙疾集作官情少機集作閑秋氣悲理人無異績為

郡但經時唯有江湖意沉冥獨集作在茲

郡舍南有園畦雜樹聊以末日 前人

為郡久無補越鄉空復深苟能乘素節安用叨華簪却步

園畦裏追吾野逸心形骸拘俗吏光景賴閑林內訟誠知

止外言猶匪忱成蹊謝李逕衛足感葵陰榮達豈不幸集

俾孤心一作非所任江城何寂歷秋樹亦蕭森下有北流

水上有南飛禽我願從歸翼無然空自一作沉

春園即事 王維見集

宿雨乘輕屐春寒著弊袍開畦分白水間柳發紅桃草際

成基局林端舉桔槔還持鹿皮几日暮隱蓬蒿

春中田園 前人

屋上春鳩鳴村邊杏花白持斧伐遠楊荷鋤覘泉脉歸燕

識舊巢舊人看新曆臨觴忽不御惆悵思遠集作客

題梧州陳司馬山齋 孟浩然

南國無霜霰連年對物華青林暗換葉紅藥亦開花春去

無山鳥秋來見海槎流芳雖可悅會自泣長沙

題張逸人園廬 前人

與君園廬並微尚頗亦同耕釣方自逸壺觴趣不空門無

俗士駕人有尚皇風何必先賢傳唯稱龐德公

家園夜坐寄即微 祖詠

前堦微雨歇開戶散窺林月出夜方淺水涼池更深餘風  
生竹樹清露薄衣襟遇一作物遂遙嘆懷人滋遠心依稀  
成夢想影響絕徽音誰念窮居者明時嗟陸沉

巴陵劉處士東齋作

王昌齡

劉生隱岳陽心遠洞庭水偃帆入山郭一宿楚江裏竹映  
秋館深月寒江風起煙波桂陽接日夕數千里嫋嫋清夜  
猿孤舟坐如此湘中有來鴈雨雪候音旨

同姜濬題裴式微餘干東齋

劉長卿

世事終成夢生涯欲半過白雲心已矣滄海意如何藜杖  
全吾道榴花養太和春風騎馬醉江月釣魚歌散帙看蟲  
蠹開門見雀羅遠山終日在芳草傍人多吏體莊生傲方  
言楚俗訛屈平君莫弔腸斷洞庭波

贈大理黃主簿湖上高齋

前人

閉門湖水畔自與白鷗親竟日窓中岫終年林下人俗輕  
儒服弊家厭法官貧多雨茅簷故空洲草逕春桃源君莫  
愛且作漢朝臣

田園觀雨兼晴後作

孟雲卿

貧賤少情欲借荒種南陂我非老農圃安得良土宜秋成  
不廉儉歲餘多餒饑顧視倉廩間有糧不成炊晨登南園  
土疑莫歌清蟬悲早苗旣茫茫晚田尚離離五行孰堪廢  
萬物當及時賢哉數夫子開趨慎勿遲

題從弟制疑官竹齋

張謂

美爾方為吏衡門獨晏如野猿偷紙筆山鳥污圖書竹裏  
藏公事花間隱使車不妨垂釣坐時鱸小江魚

春題劉相公山齋時相公初除太子賓客

錢起

能以功成踈寵位不將心賞負雲霞林間客散孫弘閣城

壇一作上山宜綺季家蝴蝶晴憐池岸葉黃鸝曉出柳園花

集作山蝶成羣爭爭遶蕙黃鸝翕子暗移花日陪鯉也趨文苑誰道門生隔絳紗

題右集作暮邊龜谷温處士園林前篇作送温逸士前見二百三十六卷

隱几前篇作垂白田園前篇作丘園關心前篇作紫心集作嬰心晒藥前篇作暴藥友

頤前篇作楮頤

勅和元相公家園即事寄王相公 韓雄

共列中台貴能齊物外心迴車青閣晚鮮帶碧芳深寒水

隨畦入晴花度竹尋題詩更相應一字重千金

題張逸人園林 前人

藏頭不服見時人愛此雲山奉養真露色點衣孤嶼月一作

飛花枝妨帽小園春一作悶携幼稚諸峯上閑濯鬚眉一

水濱興罷歸來還對酌茅簷掛著紫荷巾

題裴固新園又玄集作裴二十一新園 皇甫冉

東郊訪先生西郊尋舊路久為江南客自有雲陽樹已得

閑園心不知公府步開門白日晚倚杖青山暮菓熟任霜

封籬踈從水渡窮年無牽綴往事惜淪誤惟見獨一作耦耕

人朝朝自來去

舊路又玄集作隱路

題李沆園林

盧綸

古巷牛羊出重門接柳陰閑看入竹路自有向山心種藥  
齊幽石耕田到遠林願同詞賦客得與一作與謝家深

題耿拾遺春中題第五四郎新脩書院 前人

得接西園會多一作背因野性同引藤連樹影移栢集作栢移石間

花叢學就晨昏外歡生禮樂中春遊隨墨客夜宿伴潛公

散帙燈驚燕開簾月帶風朝朝在門下自與五侯通移栢集作移石

春同日諸公過兵部王尚書林園 權德輿

休沐君相近時容曳履過花間留客又臺上見春多松色

明金艾鶯聲雜玉珂更逢新酒熟相與籍庭莎

春日山齋 釋靈一

野逕東風起山扉度日開晴光折紅萼流水長青苔逋客

殊未去芳時已再來非關戀春草自是欲徘徊

程評事西園之作 釋法震

誰向春鶯道名園已共知簷前廻水影城上出花枝搖拂

煙雲動登臨翰墨隨相招能不厭山舍為君移

題鄭容江畔桐齋鄭性連好琴寡欲 釋皎然

客齋開別住坐占綠江濱流水非外物閑雲長屬君浮榮

未可累曠達若無羣風起高桐下清絃日日聞

和翰林吳舍人元弟西齋 顧况

君家誠易知易知復難同新裁尺一詔早入明光宮西齋

何其遠一作高上與星漢通永懷洞庭石春色相玲瓏又懷

巴峽泉夜落君絲桐信是怡神所迢迢茂華嵩鳥飛晴雲  
滅豐嶂盤虛空君家誠易知易知意難窮

安邑王校書房

耿緯

秋來池館清夜聞宮漏聲迢遞玉山廻泛灑銀河傾琴上  
松風至窻裏竹煙生多君不家食孰云事巖耕

題孝李廉書房

前人

商瞿長易教一室向青山業就三編絕心通萬象閑鶯啼  
春水上草遍暮陽間莫道符籙在來時棄故關

題鮮于秋林園集作鮮于映竹園夕陽集作傷春司空曙

雨後園林好幽行廻一作向野通遠山芳草外流水落花中

客醉悠悠慣鶯啼處處同夕陽集作傷春自一望日暮杜陵東

秋園戲題

前人

傷秋不是惜年華別憶春風碧玉家強向衰叢見芳意菜  
萸紅實似繁花

題崔端公園林

李端

上士愛清輝開門向翠微抱琴看鶴去枕石待雲歸野坐  
苔生席高眠竹掛衣舊山東望遠惆悵暮花飛

南園

韋應物

清露夏天曉荒園野氣通水禽遙泛雪池蓮拂披紅幽林  
詎知暑環舟似不窮頓酒塵喧意長嘯滿襟風

題沈八齋

暢當

江齋一入何亭亭因寄淪漣心杳冥綠綺琴彈白雪引鳥

絲絹勒黃庭經

春日過

前人

帝里陽和日

一作早

遊人到御園暖催新景氣春認舊蘭蓀

誅德先臣沒成蹊大樹存見桐猶近井看柳尚依門獻地

非更宅遺忠求奉恩又期攀桂後來賞百花繁

秋過龍武李將軍書齋

王建

高樹蟬聲秋巷裏朱門冷淨似閑居重裝墨畫數莖竹長

着香薰一架書語笑侍兒知禮數吟哦野客任狂踈就中

愛讀英雄傳欲立功勳恐不如

和元員外題昇平里新齋

楊巨源

因知休沐諸幽勝遂肯高齋枕廣衢舊地已開新玉圃春

山仍展綠雲圖心源邀得閑詩證肺氣宜將慢酒扶此外

唯應任真宰同塵最是道門樞

題表丈二大夫書齋

復覽文集

前人

成府自蓮花羣公是歲華蘭姿夫人圃松色大夫家素卷

堆瑤席朱絃映絳紗詩題三百首高韻照春霞

春園即事

陳羽

水隔羣物外花

一作夜

深風起頰霜中千樹橘月下五湖人

聽鶴忽忘寢見山如得隣明年還到此共看洞庭春

過張老村園

于鵠

身老無脩飾頭巾用白紗開門朝掃逕輦水夜澆花樂氣

聞深巷桐陰到數家不愁還酒債腰下有丹砂

南溪書院

楊發

茅屋住來久山深不置門草生垂井口花發接一作籬根  
入院將鷓鴣攀蘿抱子猿曾逢異人說風景似桃源

春園醉醒閑卧小齋

前人

酣醉送餘春醒來恨更頻花殘蜂蠹物葉暗鳥欺人簾閉  
高眠貴齋空浩氣新從今北窓蝶長是夢中身

小園秋興

一作晚

前人

誰言帝城裏獨作野人居石磴晴看疊一作山苗晚自鋤  
相慙五秉粟尚癖一車書昔日楊雄宅還無卿相輿

題從叔園林

呂溫

阮宅閑園暮窓中見樹陰樵歌依野草僧語過長林鳥下

花間井人彈竹裏琴自嫌身未老已有住山心

道州夏日早放苗叅軍林園敬酬見贈

前人

高眠日出始開門竹逕傍通到後園陶亮橫琴空有意任  
棠置水竟無言松窓宿翠含風薄槿援朝花帶露繁山郡  
本來車馬少更容相訪莫辭喧

和李僕射西園

張籍

過午歸閑處西亭敞四簷高眠着琴枕散帙檢書簽印在  
休通客山晴好捲簾竹涼蠅到少藤暗蝶爭潛一作曉鵲  
頻驚喜踈蟬不許拈石苔生紫點欄藥吐紅尖虛坐詩情  
遠幽探道侶兼所營當勝地雖儉復誰嫌

松齋偶興

白居易



置心思慮外滅跡是非聞約俸爲生計隨官換往還耳煩  
聞曉鼓眼醒見秋山賴此松簷下朝廻半日閑

郡中西園

前人

閑園多芳草春夏常集作春香靡靡深樹足佳禽旦暮鳴不已  
院門閉松竹庭徑穿蘭芷愛彼池上橋獨來聊徙倚魚依  
藻長樂鷗見人暫起有時舟隨風盡日蓮照水誰知郡府  
內景物閑如此始悟喧靜緣何嘗繫遠邇

題崔

集作鄭

駙馬園林

集作林亭

姚合

東園連宅起勝事與心期幽洞自生藥新篁迸入池密林  
行不盡芳草坐難移石翠疑無價集作質鶯歌似有詞莎臺  
高出樹蘚壁靜題詩我獨多來此九衢人不知

西園

許渾

西園春已一作欲盡芳草徑難分靜語唯幽鳥閑眠獨使君  
密林生雨氣古石帶苔文雖去清朝遠朝朝見白雲

山齋秋晚

前人

殘月皓煙露一作霧掩門深竹齋草蟲鳴曲檻山鳥下空階  
清鏡曉看髮素琴秋寄懷因知北窓客日與世情乖

題裴處士園林

集作題鄒處士居

前人

桑柘蒲江村西齋接集作對海門浪衝高岸響潮入小池渾  
巖樹蔭碁局山花落酒樽相逢每集作歡更留宿還似識王孫

同張處士題李隱居園林

見三百十六卷

前人

荒齋

賈島

草舍徑微微終南對掩扉晚涼疎雨絕初曉遠蟬集作稀  
葉落無情地閑身著白衣朴愚由本性不是學忘機

題號州三堂吳郎中

前人

無窮草樹昔誰栽新起臨湖白石臺半岸泥沙孤鶴立三  
堂風雨四門開荷翻圓集作團露驚秋近柳轉斜陽過水來  
昨夜北樓堪朗詠號城初鎖月徘徊

田將軍書院

前人

蒲庭花木半新栽石自平湖遠岸來笋迸隣家還長竹地  
經山雨幾層苔井當深夜泉微上閣入高秋戶盡開行背  
曲江誰到此琴書鎖著未朝迴

齋中

前人

耽靜非偽集作謬為本性實疎索齋中一就枕不覺白日落

低扉礙軒轡寡德謝接諾藜菊在墻陰秋窮未開萼所食

集作食類病馬動影似移岳欲駐迫逃衰豈殊辭綆縛已見

飽時雨應豐蔬與藥

題從伯舍人道正里南園

劉德仁

帝里餘新第朱門面碧岑曙堂增爽氣喬木動清陰直去  
親瑤陛朝迴在竹林風流才子調好尚古人心薜荔遮窓  
暗莓苔近井深禮無青草隔一作詩有共白衣吟軒靜

留孤鶴庭虛到遠砧掩關裁鳳詔開鏡理瓊簪種植今如

此塵埃永不侵雲奔投刺者日日待為霖

初夏題段郎中脩竹里南園

前人

高人遊息處與此曲池連密樹終春後深山在目前遠峯  
初絕雨片石欲生煙數有僧來宿應緣靜好禪

西園

前人

夏圃秋

一作晚

涼入樹低逢幘歌水聲翻敗堰山翠濕踈籬

綠滑莎藏徑紅連

一作繁

果壓枝幽人更何事旦夕與僧期

錢塘青山題李隱居西齋

李郢

小隱西亭爲客開翠蘿深處遍青苔林間掃石安碁局巖  
下分泉遞酒盃蘭葉露光秋月上蘆花風起夜潮來湖山  
遶屋猶嫌淺欲棹漁舟近釣臺

園居

前人

暮雨楊雄宅秋風向秀園不聞砧杵動時看桔槔翻釣下

魚初食船移鴨鵝喧橘寒才弄色須帶

一作待

早霜繁

春晚東園曉思

薛逢

劔外春餘日更長東園留醉樂高張松杉露滴無情淚桃  
杏風飄不語香鶯戀葉深啼綠樹燕窺巢穩坐彫梁也知  
留滯年華晚爭那罇前樂未央

宿陳生山齋

見二百十七卷

溫庭筠

扶持山州避難冬夜二三禪侶吟茅齋

李涪

四海通禪客搜吟葉擁肩然髭孤燭白閉目亂山青壁掛  
敲冰杖爐溫注月瓶獨愁衙舊旆笏冷立殘星

花園即事呈常中丞

集作侍郎

趙嘏

煙煖池塘柳覆臺百花園裏看花來燒衣煇席三千樹破

鼻醒愁一萬盃不肯為歌隨拍落却因令舞帶香迴山公  
仰爾延賓客好傍春風次第開延賓集作春風  
晉賓  
春城

南園

前人

雨過郊原綠尚微落花惆悵蒲塵衣芳樽有酒無人共日  
暮看山還獨歸

郊園

鄭谷

相近復相尋山僧與水禽集作春釣靜雪屋夜甚深

雅道誰開口時風未醒集作心恩光何以報祇有醉

和吟

題友人林齋

張喬

喬木帶源疑作涼蟬來吟暑雨天不離高枕上似宿遠山邊

簾冷窓中月茶香竹裏泉一作煙吾廬近溪島憶別動經年

和崔監丞春遊鄭僕射東園

張蠟

春興隨花盡東園自養閑不離三畝地似入萬重山白鳥  
穿籬去清泉抵石還豈同秦代客無位隱商山

次韻和友人冬日書齋

前人

四季多花木窮冬亦不凋薄冰一作雲行處斷殘火睡來消

象版簽書帙蠻藤絡一作落酒飄公卿有知己時得一相招

南園題

羅隱

搏擊路終迷南園且灌畦敢言逃俗態自是樂幽棲葉長

春松潤科圓早薤齊雨沾虛檻冷雪壓遠山低竹好還成

徑桃夭亦有蹊小窓奔野馬閑甕養醯鷄水石心愈切煙

宵分已睽病憐王猛畚愚笑隗囂泥澤圃潮平岸江村柳  
覆堤到頭乘興是誰手好提携

校正九十六字 六月初二日

文苑英華卷第三百十七

文苑英華卷第三百十八

詩一百六十八

居處八

別業五十七首

村墅十一首

別業

南溪別業

蔣冽

結宇依青嶂開軒對綠疇樹交苑兩色溪合水重流竹徑  
風來掃蘭罽夜不收逍遙自得意敲腹醉中遊

題袁氏別業

賀知章

主人不相識偶坐爲林泉莫謾愁沽酒囊中自有錢

酬虞部蘇員外過藍田別業不見留之作 王維

貧居依谷口喬木帶荒村石路枉廻駕山家誰候門漁舟

膠凍浦獵火燒集作寒原唯有白雲外踈鍾聞夜猿

終南山別業見二百五十卷

輞川別業 前人

不到東山向一年歸來纔及種春田雨中草色綠堪染水

上桃花紅欲燃優樓比丘見法華經序品中經論學偃僕丈人鄉

里賢披衣倒屣且相見相歡語笑衡門前

晦日遊大理常卿城南別業四聲次用各六韻 前人

與世澹無事自然江海人側聞塵外遊解弁集作軛祝夷

朱輪極集作野照暄景上天垂春雲張組竟北阜泛舟過

東隣故鄉信高會牢醴及家臣集作幸同擊壤樂心荷堯

為君

二

郊居杜陵下末日同携手仁集作里靄川陽平原見峯首

園廬鳴春鳩林薄媚新柳上卿始登席故老前為壽臨當

送集作南陂約畧執盃酒歸轍繼集作微官惆悵心自咎

三

冬日餘雪在墟上春流駛風日暢懷抱山川多秀集作氣

凋胡先晨炊庖鱠亦後至高情浪海嶽浮生寄天地君子

外簪纓埃塵良不啻所樂衡門中陶然忘其貴

四

高館臨澄波曠然蕩心目澹淡動雲天玲瓏映墟曲鵲巢

結空林雉鷄響幽谷應接無閑暇徘徊似集作躑躅紆組

上春堤側弁倚喬木弦望忽已晦後期洲應綠

冬至後過吳張二子檀溪別業 孟浩然

卜築因自然檀溪不更一作更不穿園廬二友接水竹數家連

直取南山對非關選地偏草堂時偃曝欄棹集作棹日周旋

外事情都遣中流性所便閑垂太公釣興發子猷船子亦

幽棲者經過竊慕焉梅花初集作殘臘月柳色半春天鳥泊

隨陽鴈魚藏縮項鱸停盃問山簡可以習池邊

汝墳別業 嘗廢集作常廢 祖詠

失路農為業移家到汝墳獨愁嘗廢集作當廢卷多病久離群

鳥雀垂窓柳虹霓出澗雲山中無外事樵唱有誰一作時聞

蘇氏別業 前人 見又玄集

別業居幽處到來生隱心南山當戶牖澧水在園林竹覆

經冬雪庭昏未夕陰寥寥人境外閑坐聽春禽

出青門往南山下別業 薛據

舊居在南山夙駕自城關榛莽相蔽虧去爾漸超忽散漫

餘雪晴蒼茫季冬月寒風吹長林白日原上沒懷抱曠莫

申相知阻胡越弱年多栖隱煉藥在崑窟及此離垢氣興

來亦因物末路期赤松斯言决不伐

尋楊陶氏別業 劉春虛

陶家集仙隱種柳長江邊朝夕潯陽縣白衣來幾年霽雲

明孤嶺秋水澄寒天物象自清曠野情何綿聯蕭蕭丘中

賞明宰非徒然願守黍稷稅歸耕東山田

賞明宰非徒然願守黍稷稅歸耕東山田

與集作

過任氏別業

李白

遊山誰所集作可遊子明與浮丘壘嶺礙河漢連峯橫斗牛

任土集作汪生面北阜池館涵清集作清且幽我來感意氣槌庖集作

烈珍羞掃石歸明月集作待歸月又作待月歸開池漲寒流酒酣益

爽氣為樂不知秋

越州賊退後送朱放之山陰別業一作送朱山人歸山陰

劉長卿

越中初罷戰江上送歸橈南渡無來客西陵自落潮空城

垂細一作故柳舊業一作井廢春苗閭里稀相見集作相逢少一作誰相問

鷲花共寂寥

此詩二百三十一卷重出前已削去注異同調歸東為一作

川別業

李頎

寸祿可言一作善取託身將見遺慙無匹夫志悔與名山辭

綏冕謝知己林園多後時葛巾方濯足蔬食且垂帷十室

對河岸漁樵祗在茲青郊香杜若泉石映茅茨晝景徹雲

榭夕陰澄石達溪花獨開晚田鶴靜飛遲且復樂生事前

賢為我師清歌聊鼓楫永日望佳期

題綦母校書別業

前人

常稱掛冠吏昨日歸滄洲行客暮帆遠主人庭樹秋豈伊

問天命但欲為山遊萬物我何有白雲空自幽蕭條江海

上日夕見丹丘生事本魚鳥賞心隨去留惜一作昔我曠微

月欲濟捨輕舟倏忽今一作令人老相思河水流



同家兄題渭南王公別業

蔡希寂

好閑知在家退跡一作迹跡何必深不出人境外蕭條江海心

軒車自來往空石對清陰川渙將釣玉鄉亭期散金素暉

射流激翠色綿森林曾為詩書癖寧唯耕稼任吾只許微

尚枉道勃疑相尋朝慶老萊服夕閑安道琴文章遙頌美

寤寐曾所欽既鬱蒼生望明時豈陸沉

淇上別業

高適

依依西山下別業桑林邊庭鳴喜多雨隣雞知暮天野人

種秋菓集作菓古老看一作開原田且向世情遠吾今聊自然

巴南舟中陸渾別業

岑參

瀘水南一作州舟遠巴山北客稀嶺雲撩亂起溪鷺等閑飛

鏡裏愁衰鬢舟中換旅衣夢魂知遠處無夜不先歸

送胡象下

集作落

第歸王屋別業 前人

看君尚少年下第莫悽然可即疑疲獻賦山村歸種田野

花迎短褐河柳拂長鞭置酒聊相送青門一醉眠

送鄭甚歸東京泥水別業

得閑字

前人

客舍見青一作春草忽聞思舊山看君灞陵去疋馬成羣還

對酒風與雪向家何復閑因悲官遊子終歲無時閑

送劉長上歸城南別業

韓翃

數刻是歸程花間落照明春衣香不散駿馬汗猶輕南渡

春流淺西風片雨晴朝還會相就飯爾五侯鯖

贈張五諶歸濠州別業

前人

此首在後 前人為郎士元

常知罷官意果與世人疎復此涼風起仍聞濠上居故山  
期採菊秋水憶觀魚一去蓬蒿逕袁君閑有餘

送元詵還丹陽別業

即士元

已知成傲吏復見鮮朝衣應向丹陽郭秋山對掩扉草堂  
連古寺江日動晴暉一別滄洲遠欄橈幾歲歸

送王公還剡中別業

皇甫冉

不見關山去何時到剡中已聞成樹木更道長兒童籬落  
雲常聚村塘水自通朝朝隱去渡非晚對清風

潘司馬別業

周禹

門對青山近汀牽綠草長寒深抱晚橋風緊落垂楊湖畔  
聞漁唱天邊數鴈行蕭然有高士清思滿書堂

秋晚山中別業

盧綸

樹老野泉清幽人好獨行去閑知路靜歸晚喜山明蘭艾  
通荒井牛羊出古城茂陵秋最晚誰念一書生

早春遊樊川野

前人

白水構通一作通溝勝青山對杜陵晴明人望鶴曠野鹿隨僧

古柳連巢折荒堤帶草崩陰橋全覆雪深溜半垂冰聞鼠  
搖松影遊龜落石層韶光偏不待衰敗巧相仍桂樹曾爭  
折龍門幾共登琴師阮校尉詩和柳吳興紙筆求書扇張  
屏看畫蠅卜隣空遂約問卦獨無徵投足經危石收材過

直繩守農窮自固行藥病何能掩帙蓬蒿晚臨川景氣澄  
颯然成一叟誰更慕鸞騰

深溜

集作暴溜過直繩過詩選

春日題杜叟山下別業

前人

百鳥群飛山半晴  
渚亭相接有泉聲  
園中曉露青藜合  
橋上春風綠野明  
雲影斷來峯影出  
林花落盡草花生  
今朝醉舞同君樂  
始信幽人不愛榮

春遊司直城西鷓鴣谿別業

釋清江

別墅軍城下  
閑諠未可齊  
春深花蝶夢  
曉隔柳煙鞞  
韶景浮寒水  
疎楊映綠堤  
沿洄看竹色  
來往聽鶯啼  
久慢持生術  
多親種藥畦  
家貧知素行  
心苦見清溪  
越客初投分  
南枝得寄棲  
禪機空寂寞  
雅趣賴招携  
本寺重江外  
遊方二室西  
徘徊戀知己  
日夕草萋萋

題黃公陶齋別業

釋處一

聞說花園堪避秦  
幽尋數月不逢人  
煙霞洞裏無雞犬  
風雨林間有鬼神  
黃公石上三芝秀  
陶令門前五柳春  
醉卧白雲閑作夢  
不知何物是吾身

張舍人南溪別業

釋法震

新田遶屋半春耕  
藜杖閑門引客行  
山翠自成微雨色  
溪花不隱亂泉聲  
漁家遣到堪留興  
公府懸知欲厭名  
入夜更衣明月滿  
雙童喚出解吹笙

北原別業

釋僧泚

野外車騎絕  
古村桑柘陰  
流鶯出谷靜  
春草閉門深  
學稼農為業  
忘情道作心  
因知上皇日  
鑿井在雲林

冬日尋徐氏別業

釋皎然

近依城北住幽徑少人知積雪行深巷寒山遠故籬竹花  
春自發橙實晚仍垂還共崑前鶴今朝下習池

送皇甫侍御曾還丹陽別業

前人

雲陽別夜憶春耕花發陵湖問去程積水悠陽何處夢亂  
山稠疊此時情將離有月教絃斷贈遠無蘭覺意輕朝右  
要君持漢典明年北野可須營

題周

一作陳

諫別業

第寺與周生所居俱臨茗水

前人

隱身若上欲何如不着青袍愛綠羅柳巷任踈容馬入水  
籬從破許船過昂藏獨鶴閑心遠寂歷秋花野意多若訪  
禪齋遙可見竹窓書幌共煙波

雨後輞川

李端

驟雨歸山盡頽陽入輞川看虹登晚墅踏石過春泉紫葛  
藏仙井黃花出野田自知無去路迴步就人煙

送石協歸吳興別墅

一作業

朱慶餘

識來無定居此去復何如一與耕者近日將朝客踈資身  
空藥石教子但琴書曾讀黃庭本斯言豈復虛

遊崔監丞城南別業

劉得仁

門與青山近青山復幾重雪融皇子岸春潤翠微峯地有  
經冬草林無未老松竹寒溪隔寺晴日直聞鍾

夏日樊川別業即事

前人

無事稱無才柴門亦罕開脫巾吟末日着屐步荒臺風卷  
微塵上霆將暴雨來終南雲漸合咫尺失崔嵬

韓評事別業

周賀

門枕平湖秋景好水煙松色遠相依罷官餘俸租田種送  
客迴船載石歸離岸遊魚逢浪返望巢高鳥一作寒逆風飛  
嵩陽舊隱多時別閉目閑吟憶翠微

李侍御上虞別業

方干

滿目高亭集作亭臺佳集作木繁蟬吟燕語不為喧晝潮勢急吞諸  
島暑雨聲迴露半村直為援毫方掩卷常因按曲便開罇  
若將明月為儔侶應把清風遺子孫繡羽驚弓籬菓上紅  
鱗見餌出蒲根尋君未要先敲竹且棹漁舟入大門

初歸鏡水

集作中

別業寄上陳端公

前人

去歲離家今歲歸孤帆夢向鳥前飛必知蘆笋侵沙井兼  
被藤花占石磯雲塢一作鳥採茶常失路雪龕中酒不開扉  
故交若問逍遙事玄冕何曾勝蓑衣

許員外新陽別業

前人

蘭沙橘島映高亭一作亭臺不是經心即手栽滿閣白雲隨雨  
去一池明集作寒月逐潮來小松出屋和巢長新逕通村避

笋開柳絮風前歇枕卧荷花香裏棹舟集作釣魚迴園中問一作

認葉封林草簷下攀枝落野梅莫恣高情求逸思須防急

詔用長材苦一作若因螢火終殘卷須把魚竿集作便送幾

盃多謝郢中賢太守當集作常時談笑許追集作趨陪

東溪別業寄吉州段郎中

前人

前山含遠翠一作翠晚羅列在窓中盡日一作晝夜人不到一樽誰

與同涼隨蓮葉雨暑避柳條風豈分長孤寂明時有至公

此詩二百六十二卷重出前已削去注異同為一作

題李剪處士杜城別業

見二百三十一卷

溫庭筠

晚夏歸別業

張祐

古岸扁舟晚荒園一徑微鳥啼新葉熟花落故人稀宿潤

侵苔甃斜陽照竹扉相逢盡鄉老無復話時機

題杜侍御別業

趙嘏

紫陌煙多不可尋南溪酒熟一披襟山當畫枕石牀穩泉

落夜窓煙樹深白首逢人羞問計青雲何路覓知音惟君

長

一作於水他日門墻許醉吟

題鹽鐵李尚書澹州別業

薛能

鹿原陰面澹州涓坐覺林泉逼夢思閑景院開花落後濕

香風好雨來時隣驚麥野聞雛雉別創茅亭住老師備足

好中還有闕許昌軍裏李陵詩

秋晚自洞庭湖別業寄穆秀才

皮日休

破村寥落過重陽獨自攬寧葺草房風捲紅蕉仍換葉雨

霖黃菊不成香野猿偷栗重窺戶落鴈疑人更繞塘他日

若脩耆舊傳為予添取此書堂

題鄭侍御藍田別業

張喬

秋山清若水吟客靜於僧小徑通商嶺高窓見杜陵雲霞

朝入鏡猿鳥夜窺燈許作峯前侶終來寄上層

郊墅二首

鄭谷

帝曲樊川雨半晴竹莊花院遍題名畫成煙景垂楊色滴  
破春愁壓酒聲滿野紅塵誰得路連天紫閣獨關情羨陂  
水色澄於鏡何必滄浪始濯纓

二

蓼水菊籬邊新晴有亂蟬秋光集作先秋終寂寞晚醉自流集

留連野濕林集作禾中露村閑社後天題詩滿紅葉何必浣

花牋

訪姨兄王斌渭上集作口別墅 前人

桑柘河集作枯桑江上村罕集作寥落舊田園少小嘗來此悲涼

不可言訪隣多指塚問路半移原又歎家僮散初晴野薺

繁客帆懸極浦漁網晒危軒苦澁詩盈篋荒塘酒滿罇高

枝霜果在幽沼集作者暝鴻集作禽喧遠靄籠樵響微煙起燒

痕哀榮孤族分感激外兄恩三宿忘歸去圭峯恰對門

訪題表兄王藻渭上別墅集作業 前人

桑樹村搖落渭川西蓼水瀰瀰接稻泥幽檻靜來漁唱遠暝

天寒極鴈行低濁醪最稱看山醉吟句偏宜選行題中表

人稀一作村亂後花時莫惜重相携

春日還郊 王勃

推情兼默默一作語携杖赴崑泉草綠榮新帶榆青綴古錢

魚牀侵岸水鳥路入山煙還題平子賦花樹滿春田

仲春郊外 前人

東園垂柳徑西壩落花津物色連三月風光絕集作繞四隣

鳥飛村覺曙魚戲水知春初晴山院裏何處染豔塵

春郊興後

前人

空園歌獨酌春日賦閑居澤蘭侵小徑河柳覆長渠雨去花光濕風歸葉影疎山人不惜醉唯畏綠樽虛

西郊

杜甫

時出碧雞坊西郊向草堂市橋官柳細江路野梅香傍架齊書帙看題減集作檢藥囊無人覺一作競來往疎懶意何長

南隣

前人

錦里先生烏角巾園收芋粟不全貧慣看賓客集作戶門亦作朋友

兒童喜得食堦除鳥雀馴秋水纔深四五尺野航恰受兩

三人白沙翠竹江村暮集作路相送集作對柴門月色新

村夜

前人

風色蕭蕭暮江頭人不行村春雨外急隣火夜深明胡羯何多難樵漁寄此生中原有兄弟萬里正含情

江村

前人

清江一曲抱村流長夏江村事事幽自去自來堂上燕相親相近水中鷗老妻畫紙爲碁局稚子敲針作釣鈎但有故人供綠水集作多病所須唯藥物微軀此外更何求

荒村三首

前人

崢嶸赤雲西日脚下平地柴門烏雀噪客子集作歸客千里至

妻孥怪我在驚定還拭淚世亂遭漂蕩生歸一作還偶然遂

隣人滿墻頭感歎亦歔歔夜闌更秉燭相對如夢寐



前入

晚歲迫偷生還家少歡趣嬌兒不離膝畏我復却去憶惜

多集作好追涼故繞池邊樹蕭蕭北風勁撫事前煎百慮賴知

黍林集作黍禾收已覺糟牀注如今足斟酌且用慰遲暮

群雞忽一作正亂叫客至雞正生一作鬪爭驅雞上樹木始聞叩

柴荆父老四五人問我久遠行手中各有携傾蓋濁復清

莫一作苦辭酒味薄黍地無人耕兵革既未息兒郎一作童盡

東征詩為父老歌艱難愧深一作餘情歌罷仰天歎四坐淚

縱橫

文苑英華卷第三百十八

風涼一作涼風原上作見一百六十一卷王昌齡

初晚前篇作初曉晦明前篇作遺明秋空前篇作秋水良策前篇作奇策

獨說前篇作遊說南臺前篇作蘭臺

文苑英華卷第三百十八

登仕郎胡 柯 鄉貢進士彭 叔夏 校正

文苑英華卷第三百十八

文苑英華卷第三百十八

文苑英華卷第三百十八

文苑英華卷第三百十八

文苑英華卷第三百十八

文苑英華卷第三百十八

文苑英華卷第三百十八

文苑英華卷第三百十八

早春遊樊川墅集本此下有寄李端盧綸

白水構通塍集作泉脉危石集作危路行藥集作樂誰更集作非敢

送石協律歸吳興 朱慶餘

空藥集作唯藥豈復虛集作合虛

戊寅六月初一日依明鈔本補寫此葉凡校記一百四十字

江安傅增湘識於抱素書屋

文苑英華卷第三百十九 詩一百六十九

居處九

村墅二十首 山莊二十四首

田家二十首

村墅

題王村山叟屋壁 錢起

谷口好泉石居人能陸沉牛羊上山小集作去煙雨集作火隔

林集作雲深一逕入溪色數家連竹陰藏虹辭晚雨驚隼落

殘禽涉趣皆傷集作晉目將歸羨在林却思黃紵事辜召紫

芝心

石門暮春集作藍田春暮 前人

自哂鄙夫多野性閑集作居數畝半臨湍一作溪雲雜雨  
來茅屋山雀集作將鷓至藥欄仙籙蒲床閑不厭陰符在  
篋老羞看更憐童子宜春服花裏尋師到杏壇

秋日冬郊作

皇甫冉

閑看秋水心無事卧對寒林手自栽盧岳高僧留偈別茅  
山道士寄書來燕知杜日辭巢去菊為重陽冒雨開淺薄  
將何稱獻納臨岐終日自遲回

田晚到蓋屋耆老家

盧綸

老翁曾舊識相引到柴門苦話別時事因尋溪上村數年  
何處客近日幾家存暮雨看禾黍逢人意子孫亂藤穿井  
口流水到籬根惆悵不堪住空山月又昏

朱陳村

白居易

徐州古豐縣有村曰一作朱陳去縣百餘里桑麻青氛氲  
機梭聲札札牛驢走紛紛集作女汲澗中水男採山上薪  
縣遠官事少山深人俗淳有財不行商有丁不入軍家家  
守田集作業頭白不出門生為陳村民死為陳村塵田中  
老與幼相見何欣欣一村惟兩姓世世為婚姻其村惟朱  
姓而親踈居有族少長遊有群黃鷄與白酒歡會不隔旬  
生者不遠別嫁娶先近隣死者不遠葬墳墓多遶村既安  
生與死不苦形與神所以多壽考往往見玄孫我生禮義  
鄉少小孤與貧徒學辨集作是非祗自取辛勤世法貴名  
教士人重冠婚以此自桎梏信為大謬一作人十歲解讀

書十五能屬文二十舉秀才三十為諫臣下有妻子累上有君親恩承家與事國望此不肖身憶昨旅遊初迨今十五春孤舟三適楚羸馬四經秦晝行有飢色夜寢無安魂東西不暫住來往若浮雲一作飄作風中雲離亂失故鄉骨肉多散分江南與江北各有平生親存者終日別逝者隔年聞朝憂卧至暮夕哭坐達一作遲晨悲火燒心曲愁霜侵鬢一作髮根一生苦如此常羨陳村人

山村

姚合

喜得山村住閑眠夢不驚曉泉和雨落秋草上堦生因客始沽酒借書方到城新詩聊自造豈是趨聲名

村中閑步

劉得仁

閑共野人臨野水新秋高樹掛晴暉不知塵裏無窮事白鳥雙飛入翠微

再經王叟居

周賀

停橈因舊識白髮問波濤以我往來倦知君耕稼勞渚田臨舍盡坂路出簷高愛此還南去終期會爾曹

題村舍

杜牧

數樹稚桑春未劇扶牀乳一作兒女午啼鷄潛銷暗鑠歸何處萬戶集作指侯家自不知

村行

前人

春半南陽西柔桑過村塢娉娉一作裊裊垂楊風點點過塘雨簑唱牧牛兒籬窺倩裙女半濕解征衣主人饋鷄黍

題春日韋曲席野老村舍二首

許渾

背嶺枕南塘數家村落長鶯啼中一作婦嬾蠶出小姑忙

煙草近溝濕風花臨路香自憐非楚客春望亦心傷

二

遶屋遍桑麻村南第一家林繁樹勢直溪轉水紋斜竹接  
晝看笋藥欄春賣花故園歸未得到此是天涯

馮叟居

劉駕

天作馮叟居山僧尚嫌僻開門因兩樹結宇倚翠壁溪南  
有微徑時遇採芝客往往白雲生對面千里隔機忘若童  
僕常與猿鳥劇曬藥上小峯庭深無日色自從忘歸鄉一作  
歸鄉不見舊親戚纍纍子孫墓秋風吹古栢

宿江叟島居

張喬

一家煙島隈一作竹裏夜窓開數派分湖一作去千櫓聚  
月來石樓雲斷續澗渚鴈徘徊了得平生志還歸築釣臺

尋陽村舍

前人

荒林寄遠居坐卧見樵漁夜火隨船遠寒更出郡踈雪迷  
登岳路風阻轉江書寂寞高窓下思鄉歲欲除

江村

前人

貧遊無定蹤鄉信轉難逢寒渚暮煙闊去帆歸思重湖平  
低戍火木落遠山鍾况是漁家宿踈籬響夜春

書村叟壁

鄭谷

草肥朝牧牛桑綠晚鳴鳩列岫簷前見清泉石下流春蔬

和雨割杜酒向花菊引我南臨水一作籬邊有小舟

旅寓洛南村舍

前人

村落清明近鞦韆稚女誇春陰妨柳絮月黑見梨花白鳥  
窺漁網青帘認酒家幽棲雖自適交友在京華

宿鳥徑夷山舍

陳陶

百里遵島徑逢征信邈迴暝依漁樵宿似過一作黃金臺  
缺齧心未理寥寥夜猿哀山深石牀冷海近腥氣來主人  
意不淺屢獻流霞盃對月撫長劍愁襟紛莫開九衢平如  
水胡為涉崔嵬一飯未遑飽鵬圖信悠哉山濤譎細君言  
豈厭蓬萊明登又驅馬客思一徘徊

東一作陳帝曲野思

唐彥謙

澹霧輕陰匝四垂綠塘秋望獨顰眉野蓮隨水無人見寒  
鷺窺魚共影知九陌要津勞目擊五湖閑夢誘一作心期  
孤燈夜夜愁歌枕一覺一作覽滄洲似昔時

山莊

和從弟祐山家二首

王褒

採藥名山頂時節無春冬散雲非一色連嵒異衆峯合杏  
似無徑間關定有蹤山窓臨絕頂檐溜俯危松空林鳴暮  
雨虛谷應朝鍾仙童時可過羽客屢相逢若值韓衆藥當  
御長房龍

二

前人

結交非俗士山侶自招携少華隱日月太一尋虹一作霓

衆林積爲籟園林茂成裨一作拱幽谷曙無景荒途晝欲  
迷滴瀝寒泉溜叫嘯秋猿啼白雲帝鄉起神禽丹穴栖箭  
篠時通徑桃李復成蹊今身得其所群物可令齊

田一作山家三首

王績

阮籍生年一作淮嬾稽康意氣踈相逢一飽醉獨坐數行書

小池聊養鶴閑田且牧猪草生元亮逕花暗子雲居倚杖

一作牀看婦織登壠課兒鋤迴頭尋仙一作看代事併是一空虛

二

前人

家住箕山下門枕潁川濱不知今有漢唯言昔避秦琴伴  
前庭月酒勸後園春自得中林士何忝上皇人

三

前人

平生唯酒樂作性不能無朝朝訪鄉里夜夜遣人酤家貧  
畱客久不暇道精麤抽簾持益炬拔篲自燃爐恒聞飲不  
足何見有殘壺

和石侍郎山莊

楊炯

煙霞排俗累崑壑只幽居水浸何曾畎荒郊不復鋤影濃  
山樹密香淺澤花踈闊塹防斜徑平堤夾小渠蓮房若箇  
實竹節幾竿一作重虛蕭然隔城市酌醴焚枯魚

春晚山莊率題二首

盧昭隣

田家無四隣獨坐一園春鶯啼非選樹魚戲不驚綸山水  
彈琴盡風花酌酒貧年華已可樂高興復畱人

二

顧步三春晚田園四望通遊絲橫惹樹一作骨戲蝶亂依慕  
竹嬾偏宜水花狂不待風唯餘詩酒意當了一生中

和夏日幽莊

前人

聞有高蹤客耿介坐幽莊林壑人事少風煙鳥路長瀑水  
含秋氣垂藤引夏涼苗深全覆隴荷上半侵塘釣渚青鳧  
沒村田白鷺翔知君振竒藻還嗣海隅方

山莊休沐

一作和夏山莊

前人

蘭署乘閒日蓬扉狎道栖龍柯踈玉井鳳葉下金堤川光  
搖水箭山氣上雲梯亭幽聞淚鶴窓曉聽鳴鷄玉軫臨風  
奏瓊漿映月携回家自有樂誰肯謝清溪

初至陸渾山莊

宋之問

授衣感窮節策馬陵伊關歸齊逸人趣日覺秋琴閑寒露  
衰北阜夕陽破東山浩歌步榛越栖鳥隨我還

陸渾山莊

前人

歸來物外情負杖閱嵒耕源水看花入幽林採藥行野人  
相問姓山鳥自稱名去去獨吾樂無能一作然愧此生

藍田山莊

前人

官遊非吏隱心事好幽偏考室先依地為農且用天輞川  
朝伐木藍水暮澆田獨與秦山老相歡春酒前

別之望後獨宿藍田山莊

前人

鶴鴒有舊原一作曲調苦不成歌自嘆兄弟少常嗟別離多  
爾尋北京路余卧南山阿泉晚更幽咽雲秋尚峩峩藥欄



聽蟬噪書幌見禽過愁至願其寢其如鄉夢何

僕自湯還都經龍門北溪莊宿張左丞崔禮部崔

光祿並枉垂光顧數公宿敦道義雅尚林壑謂急

於幽尋故此命駕遂不知別有勝賞偶然相過寒

暄未周神意已往雲霞之致篋而不存逸轡放驅

清塵徒企耿歎不已而贈是詩 韋嗣立附見張說集

栖閑有愚谷好事枉朝軒樹接前驅擁嵒傳後騎喧寒簾

出野院植杖候柴門既拂林下席仍携池上樽深期契幽

賞實謂展歡言未眷誠未易佳遊時更敦俄看嘯儔侶各

已共飛騫延睇盡朝日長懷通夜寃空聞岸竹動徒見漸

花繁多慙春鶯曲相求意獨存

奉酬韋祭酒自湯還都經龍門北溪莊見貽 集作贈

之什

張說

聞君湯井至蕭灑戲 集作憇 郊林拂曙携清賞披雲親綠岑

歡然遊覽意欵曲望歸心是日期佳客同山忽異尋桃花

集作源 迂路轉楊柳間門深汎舟伊水漲繫馬香樹陰繁絃

弄水族嬌吹狎莎禽春蒲汀色媚景斜嵐氣突 踈簾切 懷仁

殊未遠重德匪輕臨來藻敷幽思連詞報所欽

春日山莊

韋述

初歲開韶月田家喜載陽晚晴搖水態遲景蕩山光浦淨

漁舟遠花飛樵路香自然成野趣都使俗情忘

秋雨輞川莊作

王維

積雨空林煙火遲  
蒸藜炊黍餉東菑  
漠漠水田飛白鷺  
陰陰夏木轉黃鸝  
山中習靜觀朝槿  
松下行集作清齋  
折露葵  
野老與人爭席罷  
海鷗何事集作更相疑

題李十四莊兼贈綦母校書 孟浩然

聞君息陰地  
東郭柳林間  
左右漚澗水  
門庭緱氏山  
抱琴來取醉  
垂釣坐乘閑  
歸客莫相待  
綠原集作尋殊未還

陸渾山莊即事見三百十五卷 祖詠

題趙孟莊 楊巨源

管鮑化爲塵  
交友存如線  
昇堂俱自媚  
得路難相見  
懿君敦三益  
頽俗期一變  
心同襲芝蘭  
氣合迴霜霰  
石門雲卧久  
玉洞花尋遍  
王濬愛旌旗  
梁竦勞州縣  
煙鴻秋更遠  
天

馬塞愈逾健 願事郭先生 青囊書幾卷

王侍御南原莊 賈島

買得足雲地  
新栽藥數窠  
峯頭盤一逕  
原下注雙河  
春寺閑眠久  
晴臺獨上多  
南齋宿雨後一作夜  
仍許重來麼

過山家 張翥

避暑得探幽  
忘言遂久留  
雲深窓失曙  
松合徑先秋  
響谷傳人語  
鳴泉洗客愁  
家山不在此  
至此可歸休

興元沈氏莊 唐彥謙

清淺縈紆一水間  
竹岡藤樹小躋攀  
露沾荒草行人過  
月上高林宿鳥還  
江遶武侯籌筆地  
雨昏張載勒名山  
異鄉一笑因醅醉  
忘却愁來鬢髮斑

田家

還田舍

薄遊久已倦歸來多暇日未鑿武陵崑先開仲長室松篁  
日月長蓬麻歲時密心存野人趣貴使容吾膝况茲薄暮  
情高秋正蕭瑟

山林休日田家

盧照隣

歸休乘暇日饁稼返秋塲徑草疏王篲出枝落帶桑耕田  
虞訟寢鑿井漢機忘戎葵朝委露薺草一作齊素夜含霜南澗  
泉動冽東籬菊正荒還思北窓下高卧偃羲皇

晚憇田家

駱賓王

轉蓬勞遠役披薜下田家山形類九折水勢急三巴懸梁

接斷岸澁路擁崩查霧崑淪曉魄風紆漲寒沙心迹一朝

舛關山萬里賒龍章徒表越閩俗本殊一作非華旅行勞一作

悲泛梗離贈折一作斷踈麻唯有寒潭菊獨似故園花

田家作

王維

舊穀行將盡良田米可希老年方愛竹卒歲且無衣雀乳

青苔井鷄鳴白板扉柴車駕羸犢草屨牧豪豬舊雨紅樞

折新秋綠芋肥餉田桑下憇傍舍草中歸住處名愚谷煩

君集作何煩問是非

渭水集作水田家

前人

斜陽集作光照墟落窮巷牛羊歸野老念牧童倚杖候荆扉

雉雊麥苗秀蠶眠桑葉稀田夫荷鋤至相見語依依即此

羨閑逸 悵然歌集作式微

田家即事

相詠見集本

舊居東臯上 左右俯荒村 樵路前傍嶺 田家遙對門 歡娛始披拂 愜意在郊原 餘齋蕩川霧 新秋仍畫喧 攀條憇林麓 引泉開水源 稼穡豈云倦 桑麻今正煩 方求靜者賞 偶與潛夫論集作 鷄黍何必具 吾心知道尊

田家雜興四首

儲光羲

田家趨隴畝 當書掩虛關 隣里無煙火 兒童共幽閑 桔槔懸虛圃 鷄犬滿桑間 時來集作 農事隙 採藥遊名山 但願所採多 不言路險難 人生如蜉蝣 一往不可攀 君看西王母 千歲集作 笑榮顏

二

前人

梧桐陰去聲 我門薛荔網 我屋迢迢兩 夫婦朝出暮 還宿稼穡既自務集作 牛羊還自牧 日旰嬾耕鋤 登高望川陸 空山足禽獸 墟落多喬木 白馬誰家兒 聯翩相馳逐

三

前人

平生集作 養情性 不復計集作 憂樂 去家行賣畚 帶滯南山集作 郭秋至 黍苗黃 無人可刈穫 稚集作 子朝未飯 把竿逐鳥雀 忽見梁將軍 乘休出宛郤 意氣軼道路 光暉滿墟落 安知負薪者 啜啜笑輕薄

四

前人

楚山有高士 梁國有遺老 築室既相隣 向田復同道 糗糒

集作 起超

文苑英華 卷一百一十九

范福

常共飯兒孫每集作日更抱忘此耕耨勞愧彼風雨好螻蛄  
鳴空澤鷓鴣生集作傷秋草日夕寒風來衣裳苦不早

田家書情集作即事

前人

蒲葉日已長荷集作荷花日已滋老農要看此貴不違天

時迎晨起飯牛雙駕耕東菑蚯蚓集作寅土中出田鳥隨我

飛群合亂啄噪嗷嗷如道饑我心多惻隱顧此兩傷悲發

食飼集作撥田鳥日暮空筐歸親戚更相請我心終不移

江上田家

包荷

近海川源薄人家本自稀黍苗期臘酒霜葉是寒衣市井

雖相識漁樵夜始歸不須騎馬問恐畏狎鷗飛

贈田家翁

耿緯

老人迎客處零集作籬落稻畦間蠶屋朝寒閉田家晝兩閑

門閭新殖草樵採舊青山自道誰相友邀人集作余試往還

觀田家

韋應物見集本

微雨衆卉新一雷驚蟄始田家幾日閑耕種從此起丁壯

俱在野場圃亦就理歸來景常晏飲犢西澗水饑幼不自

苦膏澤且為喜倉廩無宿儲徭役獨未已方慚不耕者祿

食出閭里

田家即事

權德輿

閑卧藜牀對落暉脩然便集作更覺世情非漠漠桃花資旅

食青青荷葉製裳集作儒衣山僧相訪期中飲集作飯漁父同

遊或夜歸待學尚平婚嫁畢渚煙溪月共忘機

田家

司空曙

田家喜雨足隣老相招携泉溢溝壠壞麥高桑柘低呼兒

催放犢邀集作宿客待烹鷄搔首蓬門下知將軒冕齊

田家

楊顥

小園是生事尋勝日傾壺蒔蔬利於鬻茶青摘已無四隣

依野竹日夕共樵枯田家心適時春色遍桑榆

南野逢田客

楊發

桑柘悠悠水蘸堤晚風晴景不妨犁高機猶織卧蠶子下

坂未饑逢飼妻杏色蒲林羊路熟麥涼浮甕雉媒低生時

自樂死由命萬事在天管不迷

張谷田舍

鄭谷見集本

縣官清且儉深谷有人家一徑入寒竹小橋穿野花碓喧

春澗蒲梯倚綠桑科科自說年來稔前村酒可賒

田舍曲

王貞白

古今利名路只在儂門前至老不離家一生常晏眠牛羊

晚自歸兒童戲野田豈思封侯貴唯只待豐年征賦豈辭

苦但願時官賢時官苟貪濁田舍生憂煎

校四七十六字 六月初三日

文苑英華卷第三百一十九

文苑英華卷第三百二十九

詩一百七十

郊祀

宿齋八首

祠廟五十六首

宿齋

和劉尚書廉明堂齋宮

梁元帝

微質攝上宰詰旦乘輶軒  
四印陳蒼玉六變舞雲門  
香浮鬱金酒煙繞鳳凰尊  
新花臨御街一作御宿春色起天園  
河間獻樂語斯道愧能論

扈從郊廟因呈兩省諸公

韓翃

丹墀列士主恩同  
廐馬翩翩出漢宮  
奉引乘輿金仗裏  
親嘗賜食玉盤中  
晝趨行殿旌門北  
夜宿齋房刻漏東  
明日

駕廻承雨露齊將萬歲及春風

朔旦冬至攝職南郊因書即事 權德輿

大明南至應集作慶天正朔旦園丘樂六成文軌盡同堯曆

象齋祠忝備漢公卿星辰列位祥光滿金石交音曉奏清

更有觀臺稱賀處黃雲捧日瑞昇平

癸巳歲吉甫園丘攝事合於中書後閣宿齋常負

忝媿移止於集賢院會門下相公以七言垂寄亦

有所求短章絕韻不足抒意因叙所懷奉寄相公

兼呈集賢院諸學士 李吉甫

淮海同三入樞衡過六年後漢牟融六年任職廟齋兢求夕書府會

群仙粉壁連霜曙水池對月圓歲時憂裏換鍾漏靜中傳

蓬髮顏空老松心契獨全贈言因傳說垂訓在三篇

奉酬中書相公至日園丘攝事合於中書後閣宿

齋移止於集賢院叙懷見寄之作 武元衡

郊廟祗嚴祀齋莊覲上玄別開金虎觀不離紫微天樹古

長楊接池深集作清太液連仲山方補職集作菴文舉自傷年

風澁銅壺漏香凝綺閣煙仍聞白雪唱流詠滿鷗玄絳

同前 裴度見集本

翼亮登三命趙公三拜中書侍即平章事謨猷本一心致齋移祕府祗

事見冲襟皓月當延閣祥風自禁林相庭方積玉王度已

如金運偶唐虞盛情同丙魏深幽蘭與白雪何處寄庸音

同前 崔曙



典籍開書府恩榮避異司  
刻石資有事齋戒守無爲宿霧  
蒙瓊樹餘香覆玉墀  
進經逢一夜展禮值明時  
勲共山河列名同竹帛  
垂年年佐堯舜相與致雍熙

奉和李相公攝事南郊覽物興懷呈一二知己集作

舊

韓愈

燦燦辰角曙亭亭寒露朝  
川原共澄映雲日還浮飄  
上宰嚴祀事清途津振華纒  
圓丘峻且坦前對南山標  
村樹黃復綠中田稼何饒  
顧瞻想巖峯興歎倦塵囂  
惟彼顛冥集作者去公豈不遼  
爲仁朝自治用靜兵以銷  
勿憚吐握集作勤可歌風雨  
調聖賢相遇少功德今宣昭

祠廟

和蕭東陽祀七里廟

梁簡文帝

萬里實幽宗三神亦天構  
豈謂木石精斯乃山川守  
遠來太白旗遙徵青鳥鳥候以茲敬弗怠方知教應富以下十篇見藝文類聚

漢高廟賽神

同前

玉軼朝行動闔闔一作闔闔且應開白雲蒼梧上  
丹鳳類聚作霞咸陽來日正山無影  
城斜漢屢迴瞻流如地脉望嶺匹天台

欲祛九秋恨聊舉十千盃

祀五相廟

梁元帝

石城寧足植金陣詎能追  
楚関開六塞吳兵入九圍  
山水猶縈帶城也失是非  
空餘壽宮在日暮舞靈衣

賽漢高廟

庾肩吾

昔作唐山曲今承紫月壇寧知臨楚岸非復望長安野曠  
秋光動林高葉早殘塵飛遠騎沒日徙半峯寒徒然仰成  
誦終用試才難

亂後經夏禹廟

前人

金簡泥初發龍門鑿始通配天不失舊為魚微此功林堂  
上偃蹇山殿下窮窿侵雲似天闕照水類河宮神來導赤  
豹仙去擁飛鴻松龕撤暮俎棗迺落寒叢仙舟還入鏡玉  
軸更乘空去國嗟行邁離居泣轉蓬月起關類聚山北星  
臨天漢東申胥獨類聚有志荀息本懷忠待見攬槍滅歸  
來松栢同

登二妃廟

吳筠

朝雲亂入目帝女湘川宿折齒巫山下採荇洞庭腹故以  
輕薄好千里命艫舳何事非相思江上威蕤竹

西門豹廟

庾信

君子為利博達人樹德深蘋藻由斯薦樵蘇幸未侵恭聞  
正臣類聚祀良識佩帶心容範雖年代微猷若可尋菊花  
隨酒馥槐影向窓臨鶴飛疑逐舞魚驚似聽琴漳流鳴磴  
石銅爵影秋林

從駕祀麓山廟

楊慎

聖德憂民暇麾旆謁山靈畫航汎比渚文馬侍東平春浦  
戈鋌照寒林鏡吹鳴依稀長安舞類聚蕭條都尉城井泉  
能共動江帆得分行窓幽細網合階淨落花明欄巢始入

燕軒樹已遷鶯菲菲蘭俎馥淡淡桂樽清銀塘類聚日影

畫類聚玉坐舞衣輕

行經季子廟

張正見

延州高讓遠傳芳世祀移地絕遺金路松悲懸劔枝野藤

侵藻井山雨濕苔碑別有觀風處樂奏無人知

遊下山楚廟

江惣

蘋藻祈明德倚棹息巖阿忽聽晨鷄類聚曙非是類聚

楚人歌閑堦薙宿齋古木斷懸蘿帳一作堂寂易晚枹鼓

自相和盛祀流百世英威定幾何

攝官梁小廟

前人

疇昔遊衣所今日薦櫻時憲章誠有葦歲月遂難思故人

獨之子官聯更在茲虛簷靜暮雀洞戶映光絲平生復能

幾語事心傷悲

和謁孔子廟

劉斌

性與雖天蹤主世乃無由何言太春山毀空驚逝水流及門

思往烈入室想前脩寂寞荒堦暮摧殘古木秋遺風煖疑

如此聊以慰蒸一作求

謁漢高廟

李百藥

纂堯靈命啓滅楚閏餘終飛名膺帝錄汎一作迹韞神功

瑞氣朝浮礪祥符夜告豐抑揚駕人傑叱叱掩時雄締構

三靈改經綸五緯同干戈革宇內聲教盡寰中運謝年逾

遠魂歸道未窮樹碑留故邑抗殿表祠宮沐蘭祈泗上謁

帝動深衷英威宿如在文物杳成空竹皮聚寒迳粉社落  
霜叢蕭索陰雲晚長川起大風

登葉縣故城謁諸梁廟

前人

愍轡臨秋原登城望寒日煙霞共掩映林野俱蕭瑟楚塞  
鬱不窮吳山高漸出客行殊未已沐浴期終吉椒桂奠芳  
罇風雲下虛室館宇肅而靜神心康且逸伊我非真龍勿  
驚疲朽質

過老子廟

唐玄宗

仙居懷聖德靈廟肅神心草合人蹤斷塵濃鳥跡深流沙  
丹竈沒關路紫煙沉獨傷千載後空餘松柏林

送特進李嶠入都柎廟

徐彥伯

特進三公下台臣百揆先孝岳開寢石祠坐卜牲筵思急  
青綸賜狙裝紫橐懸綢繆金鼎席宴餞玉橫川北斗分征  
路東山起贈篇樂池歌綠藻梁苑籍紅笏騎轉商巖日旌  
搖關塞煙廟堂須鯁議錦節佇來旋

謁禹廟

宋之問

夏王乘四載茲地發金符駿命終不易報功疇敢踰先驅  
愍章會後至伏靈誅玉帛空天下衣冠照海隅旋聞厭黃  
屋便道出蒼梧林表祠轉茂山阿井詎枯舟遷龍負壑田  
變鳥雲蕪舊物森如在天威肅未殊玄夷屈瑶席玉女待  
清都奕奕閨一作闕邃軒軒伏衛趨氣清連曙海雲白洗  
春湖徠嘯有時合禽言常自呼靈歆異蒸糈至樂非芋菜

殿今不襲梅梁古制無運逢日崇麗業盛答昭蘇伊昔力  
云盡而今功尚敷揆材非美箭精享愧生芻郡職昧為理  
拜空寧自誣下車霞已積攝事露行濡人隱冀多祐曷唯

露薄軀

章會

集作時合

集作時答

緱山廟

見二百二十六卷

前人

汾陰后土祠作

李適

昔予讀舊史遍觀

一作觀

漢世君武皇實稽古建茲百代勲

號令垂懋典舊經備闕文南巡歷九嶷舳艫被江濱勒兵  
十八萬旌旗何紛紛竭來茂陵下英聲不復聞我行歲方  
晏極望山河分神光終冥冥出氣獨氛氳攬涕涉睢上登  
高見彼汾雄圖今安在飛飛有白雲

冬日洛城北謁玄元皇帝廟廟有吳道子畫聖圖

杜甫

配極玄都閔憑高禁籙長守祧嚴具禮掌節鎮非常碧瓦  
初寒外金莖一氣傍山河扶繡戶日月近雕梁仙李盤根  
大猗蘭卉葉光世家遺舊史道德付今主主畫手看前輩吳  
生遠擅場森羅移地軸妙絕動宮墻五聖聯龍衮千官列  
鴈行冕旒具秀發旌旆盡飛揚翠栢深留景紅梨迴得霜  
風箏吹玉柱露井動銀牀身退卑周室經傳拱漢皇谷神  
如不死養拙更何鄉

禹廟

前人

禹廟空山裏秋風落日斜荒庭垂橘柚古屋畫龍蛇雲氣

虛清壁江聲走白沙早知乘四載疏鑿控三巴

蜀相廟

前人

丞相祠堂何處尋錦官城外柏森森映階碧草自春色隔  
葉黃鶯集作鸚多空好音三顧頻煩天下計兩朝開濟老臣心  
出何未捷集作戰身先死長使英雄淚滿襟

謁漢世祖廟

劉希夷

春陵氣初發漸臺首未傳列營百萬衆持國十八年運開  
朱旗後道合赤符先宛城劔鳴匣昆陽鏑應弦獮獸血塗  
地巨人聲沸天長驅過北趙短兵出南燕太守守迎門外王  
郎死道邊昇壇九成陌端拱千秋田朝庭方雀躍劔佩幾  
聯翩至德行四海神儀翳九泉宗子行舊邑恭聞清廟篇  
君容穆而聖臣像儼猶賢攢木承危柱踈蘿挂朽椽祠庭  
巢鳥啄祭器網蟲緣懷古江山在惟新曆數遷空餘今夜  
月長似舊時懸

嚴陵祠

洪子輿

漢主召子陵歸宿洛陽殿客星今安在隱迹猶可見水石  
空潺湲松篁尚葱蒨岸深翠陰合川迴白雲遍幽迳滋蕪  
沒荒祠暮宿散垂釣想遺芳掇蘋羞野薦高風激終古語  
理忘榮賤方驗道可遵一作尊山林情不變

登樂遊廟懷古

豆盧田一作回

緬維漢宣帝初謂皇曾孫雖在襁褓中亦遭巫蠱寃至哉  
丙廷尉感激義彌敦馳逐蓮勺道出入諸陵門一朝風雲

會竟登天地尊握符昇寶曆負宸御華軒赫奕文物備歲  
蕤休瑞繁卒為中興主垂名於後昆雄圖奄已謝餘址空  
復存昔為樂遊苑今成狐兔園朝見牧豎集夕聞栖鳥喧  
蕭條灞亭岸寂寞杜陵原暮歷野煙起蒼茫嵐氣昏二曜  
屢迴薄四時更涼温天道尚如此人理安可論

湘妃廟

劉長卿

荒祠古木暗寂寂此江濱未作湘

集作湖

南雨知為何處雲

苔痕斷珠履草色帶羅裙莫唱迎仙曲空山不可聞

過桃花夫人廟

前人

寂

集作宜冥

冥應千歲

集作載

桃花想一枝路人看古木江月向

空祠雲雨飛何處山川是舊時獨憐春草色猶似憶佳期

登首陽山謁伯夷廟

李頎

古人已不見喬木竟誰過寂寞首陽山白雲空復多蒼苔  
歸骨地皓首採薇歌畢命無怨色成仁其若何我來入遺  
廟時候辨淳和落日弔山鬼迴風吹女蘿石門正西壑引  
領望洪河千里一飛鳥孤光東逝波驅車層城路惆悵此  
巖阿

陪皇甫大夫謁禹廟

嚴維

竹使羞殷薦松龕拜夏祠為魚致羨後舞羽降神時伏衛  
瞻如在精靈信有期夕陽陪酌止塘上馬咸遲

題遊仙閣息

一作公廟

李嘉祐

見集本

仙冠輕舉竟何之薜荔緣皆竹泐祠甲子不知風馭日朝

昏惟見雨來時霓旌翠蓋終難遇流水青山空所思逐客  
自憐雙鬢改焚香多負白雲期

夜聞江南人家賽神因題即事 前人

南方淫祠一作祀古風俗楚媪解集作姬能唱迎神曲鎗鎗銅鼓

蘆葉深寂寂瓊筵江水綠雨過風清洲渚閑椒漿醉盡神

欲集作迎神還帝女凌空下江岸番君隔浦向堯山月隱回塘

猶自舞一門依倚神之祐韓康賣集作靈藥不復求扁鵲傳

集作醫方魯莫觀逐客臨江空自悲月明流水無已時聽此

迎神送神曲携觴欲弔屈原祠

題尹真人廟 卽士元

宵宵雲旗去不還陰陰祠宇閉空山我來始悟卅青妙稽

首如逢冰雪顏

奉陪侍中春日過武安君廟 盧綸見集本

長裾間一作問貔虎遺廟盛攀登白羽三千騎紅林一萬層

元臣達幽契祝史告明徵撫坐悲今古瞻容感廢典迴風

卷叢栢驟雨濕諸陵倏忽煙花霽當營看月昇

題舜廟 張渚

士都遺廟出河汾一作賁萬代千秋仰聖君蒲坂城邊長逝

水蒼梧野外不歸魂寥寥薦設魂應在寂寂真篇德已聞

向曉風吹庭下栢猶疑琴曲咏南薰

題伍相廟 常雅

蒼蒼古廟映林巒幕幕煙霞覆石壇精魄不知何處在威



風猶入浙江寒

巫山神女

劉方平

神女藏難識巫山秀莫群今宵為大雨昨日作孤雲散漫  
愁巴峽徘徊戀楚君先王為立廟春樹幾氛氲

華嶽

集作山

南廟

李益

陰山臨古道廟閉空

集作廟貌閉

山碧落日春草

集作木

中塞芳

薦瑤席明靈達精意髮髴如不隔微雨

集作岩風

神降時迴風

集作

入松栢常聞坑儒後此地曾返

集作

壁自古害忠良

神其輔宗祏

經夫差廟

陳羽

姑蘇城畔千年木刻作夫差廟裏神冠蓋寂寥塵滿室不

知簫鼓樂何人

經伏波神祠

劉禹錫

蒙蒙篁竹下有路上壺頭漢壘磨髑鬪蠻溪霧雨愁懷人

敬遺像閱世指東流自負霸王略安知恩澤侯鄉原

集作園

辭石柱筋力盡炎州一以功名累翻思馬少遊

陽山廟觀寒神

梁松南征至北遂為其神在朗州

前人

漢家都尉舊征蠻血食如今配此山曲蓋幽深蒼檜下洞

簫愁

一作吹

絕翠屏間荆巫脉脉傳神語野老婆娑啓醉顏

日落風生廟門外幾人連踏竹歌還

題山中古祠

張籍

春草空山暮荒林鳥雀飛記年碑石在經亂祭人稀野鼠

唯鳥

一作明

緣朱帳陰塵蓋

一作

畫衣近門

集作

潭水黑時見宿龍歸

經貞女祠

僧無可

朝賽暮還祈開唐復歷隨精誠山雨至歲月廟松衰窺穴  
龍潭黑過門鳥道危不同巫峽女來至集作楚王祠

聖集作女廟

許渾

停車祠聖女涼葉下陰風龍氣石牀濕鳥鳴集作山廟空

長眉留桂綠丹臉寄蓮集作紅莫學陽臺畔朝雲暮雨中

聖女祠二首

李商隱

杳靄集作逢仙迹蒼忙集作滯客途何年歸若落此路向

皇都消息期青雀逢迎異些小姑腸迴楚國夢心斷漢宮巫

從騎裁寒竹行車蔭白榆星娥一去後月姊更來無遼鶴

集作迷蒼壑集作羈鸞集作怨琴平梧抵應碧桃下方朔是狂夫

二

前人

松篁臺殿蕙花園集作龍護曉瑤窓鳳掩扉無質易迷三里

霧不寒長著五一作銖衣人間定有雄羅什天上應無劉

武威寄問釵頭雙白燕每朝朱館幾時歸

題谷神廟集作題

温庭筠

蒼蒼松色集作晚一徑入荒祠古樹風吹馬虛廊日照旗

煙煤朝莫處雲雨夜歸時寂寞湘江客空看蔣帝碑

題蕭山廟

前人

故道木陰濃荒祠山影東杉松一庭雨幡蓋滿堂風客莫

晚沙集作濕馬嘶春集作廟空夜深雷電歇龍入古潭中

集作  
湘東

集作  
裁

蘇武廟

前人

蘇武魂銷漢史前古祠高樹兩茫然雲邊鴈斷胡天月隴  
上羊歸塞草煙廻日樓臺非甲帳去時冠劍一作是丁年  
茂陵不見封侯印空向秋波哭逝川

黃陵廟二首

李群玉

小孤一作袁哀洲北浦雲邊二女啼粧共儼然野廟向江春寂

寂古碑無字草芊芊東風日暮吹香芳一作芷落日山深哭

杜鵑猶似含顰望巡狩九嶷愁黛隔湘川

二

黃陵廟前莎草春黃陵女兒茜裙新輕舟小楫隨歌去水

澗山長愁殺人

許由廟

羅隱

高桂風飄濯漢濱土階三尺愧清塵可憐比屋堪封日若  
到人間是衆人

韓信廟

前人

剪項夷秦勢已雄布衣還是負深功懦夫女子集作寡  
堪恨却把餘盃奠蒯通妻稚女俱

題段太尉廟

前人

近甸蒙塵日南梁反正年飄流茂陵椀零落太官椽建毒  
非降楚披圖異錄燕堪嗟侍中血不及御衣前

湘妃廟

前人

劉表荒碑斷水濱廟前幽草閉殘春已將怨淚流班竹又

澗集作

唱一作

感悲風入白蘋八族未來誰北拱四凶猶在莫南巡九峯  
相似堪疑處望見蒼梧不見人

竹郎廟

薛濤

竹郎廟前多古木夕陽沉沉山更綠何處江村有笛聲笛  
聲盡是迎郎曲

謁巫山廟

常莊

亂猿啼處訪高唐路入煙霞草木昏山色未能忘宋玉水  
聲猶似哭襄王朝朝夜夜陽臺下爲雨爲雲楚國忙惆悵  
廟前多少柳春來空闌畫眉長

此卷訂正九十一字

戊寅二月三日授在抱素書屋

文苑英華卷第三百二十終